

?Koliko je bilo vjerovjesnika

<"xml encoding="UTF-8?">

Kur'an o broju vjerovjesnika



Iz samoga Kur'ana razumije se da je vjerovjesnika bilo mnogo, ali o svima njima nije bilo govora u Kur'anu

وَلَقَدْ أَرْسَلْنَا رُسُلًا مِّن قَبْلِكَ مِنْهُمْ مَّن قَصَصْنَا عَلَيْكَ وَمِنْهُمْ مَّن لَّمْ نَقْصُصْ عَلَيْكَ

I prije tebe smo poslanike slali, o nekima od njih smo ti kazivali, a o nekima ti nismo kazivali.[1] Vjerovjesnici koji su spomenuti u Kur'anu jesu: Adem, Nuh, Idris, Hud, Salih, Ibrahim, Lut, Isma'il, El-Jese'a, Zul-Kifl, Ilijas, Junus, Ishak, Ja'kub, Jusuf, Šu'ajb, Musa, Harun, Davud, Sulejman, Ejjub, Zekerijja, Jahja, Isma'il Sadikul-va'd, Isa te hazreti Muhhamed, neka je mir na njega i njegovu odabranu porodicu i na sve poslanike. Sveukupno, spomenuto ih je dvadeset i šest. Na-ravno, postoje i drugi poslanici koje je Kur'an spomenuo, ali samo opisujući ih, ne navodeći njihova imena, kao što je to učinio u 246. ajetu sure Baqara

أَلَمْ تَرَ إِلَى الْمَلَأِ مِن بَنِي إِسْرَآئِيلَ مِن بَعْدِ مُوسَى إِذْ قَالُوا لِنَبِيِّ لَهُمْ ابْعَثْ لَنَا مَلِكًا

Zar nisi čuo da su prvaci sinova Israilovih poslije Musaa svom vjerovjesniku rekli: "Postavi nam vladara..."

Ajet se odnosi na Samuela i Taluta.
:Ili, kao što je spomenuto u 259. ajetu iste sure

أَوْ كَالَّذِي مَرَّ عَلَى قَرْيَةٍ وَهِيَ خَاوِيَةٌ عَلَى عُرُوشِهَا

Ili za onoga koji je prolazeći pored jednog do temelja porušenog grada...
Spomenuto kur'ansko kazivanje se odnosi na 'Uzejra a. s. koji je nakon sto godina sna bio probuđen.

:Ili 14. ajet sure Ja-Sin

إِذْ أَرْسَلْنَا إِلَيْهِمُ اثْنَيْنِ فَكَذَّبُوهُمَا فَعَزَّزْنَا بِثَالِثٍ

Kad im Mi poslasmo dvojicu, ali im oni ne povjerovaše, i pojačasmo ih trećim.....

Treći, koji je spomenut kao pomoć prvoj dvojci, odnosi se na Jusufa Nadžara.

:Ili, pak, 66. ajet sure Kahf

فَوَجَدَا عَبْدًا مِّنْ عِبَادِنَا آتَيْنَاهُ رَحْمَةً مِّنْ عِنْدِنَا وَعَلَّمْنَاهُ مِمَّا لَدُنَّا عِلْمًا

I nađoše jednog Našeg roba kome smo milost Našu darovali i kojeg smo onome što samo Mi znamo naučili. Ajet govori o susretu hazreti Musaa i njegovog saput-nika sa hazreti Hidrom. Ukratko, časni Kur'an nije naveo broj vjerovjesnika, samo je nečija imena spomenuo, a neke druge je opisao.

Predaje o ovom pitanju:

Postoje različite predaje o ovom pitanju, a najpoznatija je ona koju prenosi Ebu Zerr od Poslanika, s. a. v. a.: "Broj vjerovjesnika je sto dvadeset i četiri hiljade, a broj poslanika je tri stotine i trinaest."

Naravno, odabranici između vjerovjesnika jesu: hazreti Nuh, hazreti Ibrahim, hazreti Musa, hazreti Isa i hazreti Muhamed, neka je mir na njega, njegovu odabranu porodicu i sve Božije poslanike.

فَاصْبِرْ كَمَا صَبَرَ أُولُوا الْعَرْصِ مِنَ الرُّسُلِ

Ti izdrži kao što su izdržali odlučni (Uul-'azm) poslanici...[2]

Ko su Uul-'azm vjerovjesnici?

Časni Kur'an o vjerovjesnicima Uul-'azm iznosi lijepa objašnjenja tako da ih prikazuje kao

posjednike najvećih prednosti među svim vjerovjesnicima. Upravo se zato Poslaniku nalaže da bude strpljiv kao što su bili Ulul-'azm. Svojstva ovih vjerovjesnika jesu sljedeća

1. Posjedovanje položaja Ulul-'azm .1

u ovom ajetu jeste strpljivost i postojanost po prvotnom zavjetu koji (عزم) Značenje riječi azm je uzet od njih. Sve što je Gospodar od njih želio, oni su i ispunili. Taj zavjet spomenut je u 7. ajetu sure Ahzab

وَإِذْ أَخَذْنَا مِنَ النَّبِيِّينَ مِيثَاقَهُمْ وَمِنْكَ وَمِنْ نُوحٍ وَإِبْرَاهِيمَ وَمُوسَىٰ وَعِيسَى ابْنِ مَرْيَمَ وَأَخَذْنَا مِنْهُمْ مِّيثَاقًا غَلِيظًا

Mi smo od vjerovjesnika zavjet njihov uzeli, i od tebe, i od Nuha, i od Ibrahima, i od Musaa, i od Isaa, sina Merjemina, čvrst smo zavjet uzeli. Jasno je da je ovaj zavjet imao teške uvjete koje nije mogao svako ispuniti. Tako učimo u Kur'anu

وَلَقَدْ عَهِدْنَا إِلَىٰ آدَمَ مِنْ قَبْلُ فَنَسِيَ وَلَمْ نَجِدْ لَهُ عَزْمًا

Mi smo Ademu zavjetovali odmah u početku; ali on je zaboravio, i nije odlučan bio (nije imao 'azm).[3]

Iz spomenutog ajeta može se zaključiti da je taj zavjet vanredno težak, posebno ako se uzme u obzir činjenica da je sam Adem a. s. bio poslanik i bezgriješan, ali i pored svega toga nije imao snage i zaboravio je na zavjet

2. Posjeduju knjigu .2

Pripadnici Ulul-azma posjeduju Nebesku knjigu, znači Knjigu koja ima zakone i pravila društvenog uređenja. U toj knjizi, tako-đer, navedena su načela čije kršenje znači uskraćenost od istinske ljudske sreće i savršenstva. Ta knjiga karakteristična je i po činjenici da svako protivljenje njoj, naučno ili praktično, ishoduje propadanjem ovosvjetskog i ahiretskog života. Na istu zbilju ukazuje sljedeći ajet

شَرَعَ لَكُمْ مِنَ الدِّينِ مَا وَصَّىٰ بِهِ نُوحًا وَالَّذِي أَوْحَيْنَا إِلَيْكَ وَمَا وَصَّيْنَا بِهِ إِبْرَاهِيمَ وَمُوسَىٰ وَعِيسَىٰ

On vam propisuje u vjeri isto ono što je propisano Nuhu i ono što objavljujemo tebi, i ono što smo naredili Ibrahimu i Musau i Isau.[4]

:Od svih ajeta najjasniji po ovom pitanju jesu ajeti sure Ma'ida

إِنَّا أَنْزَلْنَا التَّوْرَةَ فِيهَا هُدًى وَنُورٌ يَحْكُمُ بِهَا النَّبِيُّونَ الَّذِينَ أَسْلَمُوا لِلَّذِينَ هَادُوا وَالرَّبَّانِيُّونَ وَالْأَحْبَارُ بِمَا اسْتُحْفِظُوا مِنْ كِتَابِ اللَّهِ وَكَانُوا عَلَيْهِ شُهَدَاءَ فَلَا تَخْشَوُا النَّاسَ وَاخْشَوُا اللَّهَ وَلَا تَشْتَرُوا بِآيَاتِي ثَمَنًا قَلِيلًا وَمَنْ لَمْ يَحْكَمْ بِمَا أَنْزَلَ اللَّهُ فَأُولَئِكَ هُمُ الْكَافِرُونَ

Mi smo objavili Tevrat, u kome je uputstvo i svjetlo. Po njemu su Jevrejima sudili vjerovjesnici, koji su bili Al-lahu poslušni i čestiti ljudi, i učenici, od kojih je traženo da čuvaju Allahovu knjigu, i oni su nad njom bdjeli. Zato se, kada budete sudili, ne bojte ljudi, već se bojte Mene, i ne zamjenjujte riječi Moje za nešto što malo vrijedi! A oni koji ne sude prema onome što je Allah ...objavio, oni su pravi nevjernici

وَقَفَّيْنَا عَلَى آثَارِهِم بِعِيسَى ابْنِ مَرْيَمَ مُصَدِّقًا لِمَا بَيْنَ يَدَيْهِ مِنَ التَّوْرَةِ وَآتَيْنَاهُ الْإِنْجِيلَ فِيهِ هُدًى وَنُورٌ وَمُصَدِّقًا لِمَا بَيْنَ يَدَيْهِ مِنَ التَّوْرَةِ وَهُدًى وَمَوْعِظَةً لِّلْمُتَّقِينَ

Poslije njih smo Isaa, sina Merjemina, poslali, koji je priznavao Tevrat prije njega objavljen, a... njemu smo dali Indžil, u kome je bilo uputstvo i svjetlo, i da potvrdi Tevrat, prije njega objavljen, u kome je također bilo uputstvo i pouka onima koji su se Allaha bojali

وَأَنْزَلْنَا إِلَيْكَ الْكِتَابَ بِالْحَقِّ مُصَدِّقًا لِمَا بَيْنَ يَدَيْهِ مِنَ الْكِتَابِ وَمُهَيْمِنًا عَلَيْهِ فَاحْكُم بَيْنَهُم بِمَا أَنْزَلَ اللَّهُ وَلَا تَتَّبِعْ أَهْوَاءَهُمْ عَمَّا جَاءَكَ مِنَ الْحَقِّ لِكُلِّ جَعَلْنَا مِنْكُمْ شِرْعَةً وَمِنْهَاجًا وَلَوْ شَاءَ اللَّهُ لَجَعَلَكُمْ أُمَّةً وَاحِدَةً وَلَكِنْ لِّيَبْلُوَكُمْ فِي مَا آتَاكُمْ

A tebi objavljujemo Knjigu, samu istinu, da potvrdi knjige prije nje objavljene i da nad njima bdi. I ti im sudi prema onome što Allah objavljuje i ne povodi se za prohtjevima njihovim, i ne odstupaj od Istine koja ti dolazi; svima vama smo zakon i pravac propisali. A da je Allah htio, On bi vas sljedbenicima jedne vjere učinio, ali, On hoće da vas iskuša u onome što vam propisuje...[5]

[1] Mu'min, 76.

[2] Al-Ahqaf, 35.

[3] Ta-Ha, 115.

[4] Aš-Šura, 13.

[5] Al-Maida, 44-48